



МОНГОЛ УЛС
ГОВЬ-АЛТАЙ АЙМГИЙН ЗАСАГ ДАРГЫН
ЗАХИРАМЖ

20~~21~~ оны 01 сарын 28 өдөр

Дугаар 120

Алтай хот

Гамшигаас хамгаалах өндөржүүлсэн
бэлэн байдлын үед зохион байгуулалтын
арга хэмжээ авах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшигаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2020 оны 238 дугаар тогтоол, Улсын онцгой комиссын 2021 оны 01 дүгээр албан даалгавар, аймгийн Онцгой комиссын 2021 оны 5 дугаар хурлын шийдвэрийг тус тус үндэслэн
ЗАХИРАМЖЛАХ нь:

1. Улаанбаатар хотод байгаа орон нутгийн бүртгэлтэй иргэдийг татан авах үйл ажиллагаа зохион байгуулахыг Онцгой байдлын газар, Цагдаагийн газар, Мэргэжлийн хяналтын газар, Эрүүл мэндийн газарт тус тус даалгасугай.

2. Аймагт үйл ажиллагаа явуулж байгаа уул уурхайн компаниудын ажилчдын ээлж солилцоход коронавируст халдвараас урьдчилан сэргийлэх, халдвар хамгааллын дэглэмийг сахиулж ажиллахыг Эрүүл мэндийн газар, Мэргэжлийн хяналтын газарт, дэглэм зөрчиж аймгийн Онцгой комисс, Шуурхай штабыг мэдээ, мэдээллээр хангаагүй "Алтайн худэр" ХХК-д хуулийн дагуу хариуцлага тооцохыг Онцгой байдлын газар, Цагдаагийн газар, Мэргэжлийн хяналтын газарт тус тус үүрэг болгасугай.

3. Голомтот бүс нутгаас ирж байгаа иргэдийн гэрийн ажиглалтад тавих хяналтыг эрчимжүүлэхийг аймгийн Онцгой комиссын гишүүдэд үүрэг болгож, шаардагдах шатахууны зардлыг танилцуулж ажиллахыг Онцгой байдлын газарт тус тус даалгасугай.

4. Ерөнхий боловсролын сургуулийн 12 дугаар ангийн сурагчдад элсэлтийн ерөнхий шалгалтад бэлтгэх давтлага зохион байгуулж, халдвар хамгааллын дэглэмийг чанд сахиулж ажиллахыг Боловсрол, соёл урлагийн газар, Мэргэжлийн хяналтын газарт тус тус даалгасугай.

5. Коронавируст халдвараас урьдчилан сэргийлэх зорилгоор голомтын бүс нутгаас ирсэн болон орон нутгийн иргэдээс тандалтын шинжилгээ авахад нэг удаагийн 89 ширхэг хамгаалах хувцас хэрэгслийг аймгийн нөөцөөс, түр цэг байгуулахад шаардагдах 970400 (есөн зуун далан мянга дөрвөн зуун) төгрөгийг Гамшигийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

6. Захирамжийн хэрэгжилтэд хяналт тавьж, авч хэрэгжүүлж буй арга хэмжээний талаар тухай бүр танилцуулж ажиллахыг аймгийн Засаг даргын орлогч (Г.Чинбат)-д даалгасугай.

ЗАСАГ ДАРГА

О.АМГАЛАНБААТАР